



PENASIHAT UNDANG-UNDANG NEGERI
NEGERI SEMBILAN.

NEGERI SEMBILAN

Warta Kerajaan

DITERBITKAN DENGAN KUASA

GOVERNMENT OF NEGERI SEMBILAN GAZETTE

PUBLISHED BY AUTHORITY

Jil. 37
No. 5

1hb Mac 1984

TAMBAHAN No. 1
PERUNDANGAN

N.S. P.U. 1.

AKTA KERAJAAN TEMPATAN 1976

UNDANG-UNDANG KECIL PASAR (MAJLIS PERBANDARAN-
SEREMBAN) 1983

PADA menjalankan kuasa-kuasa yang diberi oleh seksyen 73 Akta Kerajaan Tempatan 1976, Majlis Perbandaran Seremban telah membuat Undang-undang Kecil yang mana telah disahkan oleh Pihakberkuasa Negeri mengikut peruntukan seksyen 103 Akta tersebut seperti berikut:

Akta 171.

1. Undang-undang Kecil ini bolehlah dinamakan **Undang-undang Kecil Pasar (Majlis Perbandaran Seremban) 1983** dan hendaklah mula berkuatkuasanya pada tarikh berikutan dengan tarikh tersiarnya Undang-undang Kecil ini dalam *Warta*.

Tajuk ringkas dan mula berkuatkuasa.

2. Dalam Undang-undang Kecil ini melainkan jika kandungan ayatnya menghendaki makna yang lain—

Tafsiran.

“petak” ertinya mana-mana ruang yang ditetapkan di sekitar kawasan-kawasan sesebuah pasar dan digunakan untuk menjual apa-apa barang yang diluluskan oleh Yang Dipertua;

“Yang Dipertua” ertinya orang yang pada masa itu menjalankan tugas-tugas jawatan Yang Dipertua Majlis Perbandaran Seremban dengan sah di sisi Undang-undang dan termasuklah Timbalan Yang Dipertua;

“pasar persendirian” ertinya sebuah pasar yang lain daripada pasar awam dan termasuklah Mini Market Supermarket;

“pasar awam” ertinya sebuah pasar yang dipunyai, dipajak atau disenggarakan oleh Yang Dipertua;

“pemegang gerai” bermakna seorang di sebuah pasar awam yang dilesen oleh Yang Dipertua untuk menjual dalam kawasan pasar awam itu, dan di dalam pasar persendirian seseorang yang dibenarkan oleh pemegang lesen pasar persendirian itu untuk menjual di dalam pasar persendirian itu dan di dalam kedua-dua perkara itu termasuklah orang yang menjaga gerai-gerai tersebut;

“gerai” termasuklah sesuatu petak.

Lesen bagi pasar persendirian.

3. Tiada seseorang boleh menubuhkan, mengendalikan atau membuka sesebuah pasar persendirian di mana-mana tempat, pegangan atau bangunan tanpa sesuatu lesen yang dikeluarkan oleh Yang Dipertua di bawah Undang-undang Kecil ini.

Kehendak-kehendak bangunan yang dilesen bagi pasar persendirian.

4. (a) Dinding-dinding hendaklah dibina dengan permukaan yang licin dan boleh dengan senang dan lekas dicuci tanpa binaan yang boleh mengumpulkan debu-debu.

(b) Semua lantai hendaklah dibina dari bahan yang tahan dan tidak lantasi oleh air dan licin serta curam supaya semua air boleh dengan mudahnya mengalir ke dalam longkang-longkang.

(c) Longkang-longkang hendaklah dibina daripada bata yang disapu dengan simen yang baik dengan bahagian bawahnya setengah bulatan atau separuh paip daripada tanah liat yang dibakar dan hendaklah garisan lintangnya tidak kurang daripada 0.15 metre dan hendaklah juga cukup bilangannya dan curamnya supaya mengalirkan semua air dan lain-lain cecair. Longkang-longkang yang demikian kecuali di mana ianya menyeberang kaki lima hendaklah ditutup dengan papan yang boleh dialih dan lain-lain bahan dan tidak dibenarkan ditutup dengan barang-barang ataupun perabot yang berat. Tiada longkang-longkang atau paip yang digunakan untuk mengalirkan air hujan atau air mandi atau kencing atau najis selain daripada paip dalam tanah yang dibina dengan secara baiknya boleh dibina melalui premis-premis itu.

(d) Lantai-lantai bagi tingkat-tingkat atas hendaklah dibina dengan baiknya dengan simen konkrit atau dengan papan-papan lantai yang rapat dengan berlidih ataupun dicantumkan supaya air tidak lantasi.

Kehendak-kehendak menjual daging dan ikan.

5. (a) Di mana-mana pasar persendirian di mana daging atau ikan dipotong, dibersihkan, dicincang, disimpan, dipamerkan atau didedahkan untuk jualan, dinding-dinding hendaklah dibina setinggi 1.8 meter dari lantai dan permukaannya hendaklah diperbuat daripada tail putih yang dibakar, batu-bata yang dibakar atau lain-lain bahan yang tidak boleh dilantasi air, yang diluluskan oleh Yang Dipertua.

(b) Semua meja-meja, kaunter-kaunter, bangku-bangku atau tempat-tempat pameran yang digunakan untuk jualan daging atau ikan hendaklah diperbuat daripada tail putih yang dibakar atau kaca, dan hendaklah dicuci dengan sabun dan air sekurang-kurangnya sekali sehari.

